


世界書局印行

景印
藻堂

四庫全書薈要

集部
第一四一冊
總集類





本冊目次

書名及撰人	卷次	頁次
元詩選初集六十八卷卷首一卷二集二十六卷三集十六卷 清顧嗣立編		
初集	卷五十三至卷六十八	四八八—一
二集	卷一至卷六	四八八—四二三

欽定四庫全書薈要

集部

元詩選初集卷五十三


詳校官候選知縣臣吳甸華

欽定四庫全書薈要卷二萬四百十三

集部

元詩選初集卷五十三 長洲 顧嗣立 編

陳基夷白齋藁



基字敬初臨海人受業於黃侍講潛從至京師授經筵檢討嘗為人草諫章幾獲罪引避歸奉母入吳以教授諸生南州用兵起行樞密院都事轉浙江行省郎中叅張士信軍進叅太尉府軍事太尉稱王基獨諫止將殺之不果超授內史遷學士院

欽定四庫全書

元詩選初集卷五十三

學士軍旅倥傯飛書走檄多出其手吳平明太祖召入預修元史賜金而還洪武三年卒於常熟寓舍所居有夷白齋故以名其藁金華戴叔能序之曰我朝自天歷以來學士大夫以文章擅名海內者有蜀郡虞公豫章揭公金華柳公黃公一時作者涵醇茹和以鳴太平之盛治學者宗之並稱曰虞揭柳黃而本朝之盛極矣繼是而起如莆田陳公之俊邁則有得於虞新安程公之古潔則有得

於揭臨川危公之浩博則又兼得夫四公之指授
近年以來獨危公秉筆中朝自餘數公淪謝殆盡
而得先生以紹其聲光雍容紆餘馳騁操縱其得
之黃公者深矣叔能與敬初同門故歷數其源淵
者如此

雞鳧行

雞與鳧皆鰕育鳧愛水遊雞愛陸鳧昔未辨雌與雄母
不顧之雞為伏雞渴不飲飢不啄以腹抱鳧誰敢觸鳧
脫鰕雞鼓翼日日庭中求黍稷啄啄呼鳧使之食鳧羽
日離襪一朝下水不顧雞雞在岸鳧在水賦性本殊徒
爾耳雞知為母不知鳧恨不隨波共生死

白頭公詞

杜陵三月春風煖燕語鶯啼雜絃管落花撩亂紫驕嘶
平樂歸來酒尊滿雨急風篁忽已秋幽鳥多情亦白頭
不隨翡翠枝頭宿却愛鴛鴦水上游春去秋來不知老
安樂即多憂患少綺窻深處語言奇付與紛紛秦吉了

刈草行

原上秋風吹百草半青半黃色枯槁城頭日出光杲杲
腰鎌曉踏城門道門頭草多露未晞爾鎌利鈍爾自知
一人刈草一馬肥馬不肥兮人受咎城中官廩三萬匹
一匹日餐禾一石

新城行

舊城城舊人民新新城城新無舊人舊城城外兵一解
新城城中齊覆瓦萬瓦鱗鱗次第成將軍令嚴雞犬寧
將軍愛民如愛子百賈皆集新城市浙米淮鹽兩相直
楚人之弓楚人得何時四海無荆棘北賈販南南販北

裁衣曲

殷勤織紉綺寸寸成文理裁作遠人衣縫縫不敢遲裁
衣不怕剪刀寒寄遠惟憂行路難臨裁更憶身長短只
恐邊城衣帶緩銀燈照壁忽垂花萬一衣成人到家

邊城曲

莫啓匣中鏡怕見頭上雪莫放弦上箭怕射邊城月邊

城月闕還再圓頭上髮白何由玄君不見自古邊城有
餘樂夜月聯詩畫綦縠至今月照鄆城頭相國功名齊
斗牛

秋懷五首

寒暑有代謝人事亦推移蹉跎慨疇昔俯仰念復茲籬
落委秋蔓餘葩含夕姿物化諒難窮吾生知有涯皎皎
碧山侶依依青桂枝相逢恐遲暮悵望起遐思

秋夜何迢迢迢迢一作搖搖不能寐起坐彈孤琴寫此千古

欽定四庫全書

元詩選初集
卷五十三

四

意鳴鳳久寂寥倚蘭亦顚顚往聖既莫作後賢孰當繼
獨憐商山翁去去復遐逝空谷亦何有紫芝聊可餌如
何末路中亦墮畱侯計羽翼儻不成鴻鵠將垂翅苟可
利生民寧辭暫紆轡區區後世名於翁胡足記

羣動夜已息秋聲適何從仰視天宇高微雲浩無蹤明
月在庭戶河漢上橫從既莫知所始何由究其終我獨
弦我琴微風入疎桐寫作清商調感激意無窮

昨日苦炎暑端居厭煩渴手短河漢高井深輶轡折此

夕秋已清一洗塵世熱紈扇委深笥輕羅換疎葛天運
無停機人生自悲悅急景一以遷流芳遂衰歇洞庭生
微波明河湛初月落葉辭故枝驚鴻亦飄忽為謝同心
友胡為久離別

我有一樽酒獨飲不成歡豈無骨肉親悠悠隔河山亦
有平生友合并良獨難古人千載上世遠不能攀何如
與明月徘徊松桂間月既知愛我流輝照衰顏我亦知
愛月託心同歲寒長願玉宇淨河漢生微瀾四海仰餘
照親友各平安夜夜見明月人人無苦艱此月不可負
此樽不可乾天地等逆旅流年劇驚湍古人雖云遠其
言若芝蘭舉觴以和之對月更盤桓

分省早集懷錢員外蔡都事湯管勾

閒歲涉戎旅終年廢丘壑一為塵網嬰竟負煙霞約今
晨適公署時暑秋已薄山翠落檐楹湖光映簾幙同袍
二三侶分攜異今昨畏途屬賢勞端居念離索蹉跎媿
衰暮僂俛參畫諾臨事每參差憂時空謇謇覽此山水

欽定四庫全書

元詩選初集
卷五十三

五

勝寫我情慮惡遲子早還歸開樽共斟酌

分署望鳳凰山

秋氣日以佳微雲不成雨青山天際來與我為賓主飛龍及舞鳳突兀在庭戶須臾霧靄收草樹粲堪數寥予麋鹿姿詎意嬰主組感縮匪天真驅馳漫塵土偶坐屬無喧晴容湛空宇欲去復踟蹰此意誰當與

發吳門

以下皆辛丑歲張士信出鎮淮安敬初以左右司員外郎往參其軍事而作也

少壯不解武衰老却從軍將相北出師部伍各駿奔伐

欽定四庫全書

元詩選初集
卷五十三

六

鼓震城闕樹羽隱秋旻水師歛龍驤鐵騎紛雲屯軍容亦已肅士氣悉欲伸載詠東山什感激為逡巡顧余麋鹿姿辱參罷虎羣頽然介冑間見此逢掖臣微祿不逮養匪材胡足珍驅馳寵辱途俯仰媿君親秋風吹海濤落木滿江津去去勿踟蹰浩歌天宇新

大江

夏后道九川江源起西極想當疏鑿際毫髮無遺力奔流赴東海吐納潮與汐萬古天塹雄洶湧限南北時秋

八月望煙霧四開闢皓月麗中天華星列東壁俯擊亂流檝仰送搏風翮眼空牛渚舟氣傲南樓席平生臨深戒所至每兢惕此夕獨踈狂四顧無與敵風伯引輕帆百怪皆辟易前瞻狼五山亭亭倚秋碧

通州

渡江潮始平入港濤已落泊舟狼山下遠望通州郭前行二舍餘四野何漠漠近郭三五家慘澹帶藜藿到州日亭午餘暑秋更虐市井復喧囂民風雜南朔地雖江

欽定四庫全書

元詩選初集
卷五十三

七

海裔俗有魚鹽樂如何墟里間生事復蕭索原隰廢不治城邑靳可託良由兵興久羽檄日交錯水陸飛芻粟舟車互聯絡生者負戈矛死者棄溝壑雖有老弱存不足躬錢鏹我軍實王師耕戰宜並作惟仁能養民惟善能去惡上官非不明下吏或罔覺每觀理亂原媿之匡濟略撫事一興慨悲風連寥廓

如皋縣

曉行過如皋草露淒已白井邑無人煙原野有秋色緇

褐兩三人牢落徒四壁似訝官軍至拱立衢路側伊昔
淮海陬土俗勤稼穡瀉滴盡桑麻閭閻皆貨殖及茲值
兵燹道路分荆棘十室九逃亡一顧三歎息王師重拯
亂主將加隱惻戒吏翦蒿萊分曹理鹽筴眷眷恤瘡痍
遲遲歷阡陌上天合助順九土期載闢白頭忝戎行臨
風增感激

海安

淮海水為利轉運有常程積渠如積金守防如守城近

欽定四庫全書

元詩選初集
卷五十三

八

聞渠堤壞水決劇建瓴我軍賴神速戮力障頽傾舊防
幸已復新備亦宜興古人重舉衆日費千金并尅敵務
因一作給糧足邊資力耕矧茲淮甸間沃野富吳荊草萊
日加闢餽饌歲彌增勿使土遺利坐令儲侍贏東南力
可舒根本計非輕欲弘中興業斯事力當行陋儒無長
筭觸物有深情冉冉趨畏塗戚戚慎宵征

爛泥洪

猛虎尚可搏蛟龍亦易屠惟有爛泥洪蝨蝨天下無

背甚蠍螫蝨聲殷雷如壯士不敢觸觸者無完膚一齧
使筋露再齧令骨枯牛馬齧盡死矧茲眈者軀造物仁
萬類稔此獨奚需得非庶草蕃變化劇虺蜥譬如蟻與
蝨所貴日爬梳否則必滋蔓蔓草苦難圖我欲訴真宰
憤切擬包胥上帝必震怒下令致一作行天誅辱收將中
軍風伯為前驅一鼓清八極斯醜諒安逋爾蝨法必殲
爾洪理難瀦聽眈東耒耨庶草悉誅鋤要令衆蝨都化
為杭稻區作貢奉明祀庶足報錙銖

欽定四庫全書

元詩選初集
卷五十三

九

泰州

吳陵古名邦利盡揚州域舊城雖丘墟新城如鐵石昔
為魚鹽聚今為用武國地經百戰餘士恥一夫敵征人
還舊鄉下馬問親戚躑躅慨蒿藜徘徊認阡陌桓桓霍
將軍出入光百辟位重言益卑功高志彌抑誓欲報仇
讐不肯懷第宅人羨過家榮驚喜爭太息白日照旌旗
閭里有顏色皓首太玄經雖勤竟何益

上樂

夕次泰州郭朝行上樂里密雨灑蒹葭秋風落菰米頗
聞承平際魚鹽賤如水簫鼓樂叢祠謳歌動成市中原
正格鬪擊柝聞四鄙官道日榛蕪生人等螻蟻依依煙
際舟兩兩舟中子來往賣魚鰕出入官軍裏生長離亂
間不識紉與綺失喜見王師被服多華麗買物不論錢
僕僕更拜起何當罷戰伐萬國收戎壘山河歸帶礪車
書復文軌有地盡蠶桑無人不冠履腐儒亦何需歸山
守松梓擊壤盡餘年此樂無窮已

欽定四庫全書

元詩選初集
卷五十三

十一

令丁鎮

水路轉下樂遠赴令丁鎮落日淡平蕪荒邨帶寒燐平
時富魚稻稅薄民不困蓮芡亦時豐足以禦饑饉江湖
歲或艱老弱行蠢蠢相攜就淮食不得辭遠近四野今
盡荒百畝無一壘鞠為鳬鴈區無復限封畛師行輜重
隨士飽筋力奮經費固有常變通亦宜論吾聞古賢將
羊陸開吳晉食足邊備多高標邈千仞

述老嫗語

歲暮涉淮海不辭行路難從軍豈不樂即事每長歎老
嫗八十餘日晡未朝餐自云遭亂離零落途路間豈無
子與孫充軍皆不還男戰陷賊壘孫存隔河山數月無
消息安能顧飢寒語畢雙淚垂使我心悲酸上天未悔
禍豺虎方構患近聞山東變世路復多端悠悠顛沛人
何時即平安

聽歌水調有感

江流清復清江草接江亭何人歌水調餘韻入青冥歌

欽定四庫全書

元詩選初集
卷五十三

十二

者不知苦聽者有餘情坐令離別客白髮鏡中生

謝邨

舟行謝邨路却訪義橋營妖骨埋荒草秋風洗復腥青
山不改色紅樹遠含情當日聞風鶴俱疑是晉兵

塘西

牽舟復搖櫓日出還亭午風遞五林秋雲挾塘西雨盈
盈採蓮漿坎坎迎神鼓對此欲忘歸停橈更容與

鳳口

溪塢晚含風山營夜依谷栖鳥息復驚歸雲斷還續畫
舸止宵征連艫銜尾宿戍鼓雜鳴笳秋聲一何肅

東塘

輕舟下溪口却轉東塘路雞犬近相聞漁樵遠城戍雖
經喪亂後漸有承平趣處處白蘋花家家紅槿樹

吳江

城邑帶秋水盈盈笠澤湄西風一夜起鴻鴈盡南飛晉
日東曹掾唐朝左拾遺長揖謝軒冕悠悠千載期

欽定四庫全書

元詩選初集
卷五十三

十三

楚州舊將歌

楚州舊將守楚城身與羣兇殊死爭父母遭烹妻子戮
終天之恨何時平近從王師却征楚歸尋父母身死所
忍疼刺血漬白骨髑髏無言淚如雨烹父之卒今尚存
恐懼復讐前自陳將軍謝卒汝勿畏我志為國非為親
羣兇所重在其首汝輩區區復何有若令殲戮止渠魁
親骨有知當速朽將軍將軍孝且忠天地有盡悲無窮
吾聞古有王陵母仗劍殺身成漢功

織錦篇

絡緯秋啼金井根佳人當窻織鳳麟流雲拂拭春無痕
頃刻化作鴛鴦文銀漢含風星斗搖虛空迸出黃盤鵬
為君裁作宮錦袍奪得當年盧肇幘妾家本住牽牛渚
與君誤結同心縷人間怪多離別苦夢落陽臺不成雨
腸斷無心為君織向君拋却支機石何時頭戴蓮花巾
相伴雙成禮白雲

送李景先錄判

欽定四庫全書

元詩選初集
卷五十三

十三

閭門柳枝短君行不可緩贈君不折楊柳枝勸君飲此
金屈卮丈夫將身誓許國安用當歌傷別為青絲絡控
黃金勒遊宦鄱陽山水國何處春風最憶君琵琶洲上
蘼蕪碧

送姪讓還吳

西風蕭蕭鴻鴈鳴行子悠悠隨旆旌百年衣食仰奔走
四海甲兵紛戰爭猥將筆札事卿相叨備戎行陪俊英
軍中草檄吾何有馬上操觚汝所能人稱阿買八分好

我愛永興戈法精吾女咿嚶學言語汝兒讀書知姓名
中年竊祿正為此使有石田歸力耕汝今還家我羈旅
各勸加餐調寢興陞堂再拜謁從母兒妹踉蹌欣走迎
扁舟石湖上先隴霜露既降草木零丁寧為我戒樵牧
慎勿翦傷松柏青我欲還山結茅屋五岳逍遙期向平
乞身時宰若未許南望白雲勞我情

謝從義參軍自京師還言中書危叅政見問且
訝無書因述詩寄謝

欽定四庫全書

元詩選初集
卷五十三

十四

叅軍過我夷白菴為言廊廟高巖巖故人誰為國柱石
臨川先生危大叅猥蒙問及且見訝十載尺書無一緘
憶昔相從客燕趙削去崖岸無猜嫌辱陪五更佐三老
勸講六經陳二南御史不容丞相忌司隸側目宮臣讒
脫身黨籍走吳楚託跡丘園求孔聃孰令展禽三見黜
自分嵇康七不堪平生不解帶刀劒晚歲強使閑韜鈴
髀銷怕騎將軍馬面皺羞著從事衫折衝師旅非夙習
奔走戎行真可慚危言重畏速官謗微祿不逮供親甘

慰情屢抱顰絲女與國未辦添丁男胡為長年在道路
席不暇煖突不黔幾回乞身向藩省未許曝背歸茅檐
終當投匭謝僚友徑去結屋依山嵐鄙夫出處蓋如此
為報先生聊口占先生事業則異是論道經邦民具瞻
早令四海偃兵甲盡遣百姓趨農蠶時和歲豐我所願
功成身退公當諧他年若訪赤松子一笑相逢掀紫髯

孟冬觀淮水

孟冬日日東風狂長淮水與風爭強層濤如山勢欲立

欽定四庫全書

元詩選初集
卷五十三

十五

怒潮逆上相頡頏大舟亂流流轉急人馬螳集駭欲僵
篙師捩柂誇好手迎風簸浪抑且揚小舟徑渡矜勇捷
翩如一葉凌空翔須臾掀舞浪花裏迴瀾百折爭低昂
我聞夏后分四瀆百川受職皆循良邇來洪河恣陸梁
清濁混殽隳舊防昨者王師搃淮口坐制鯨鯢如犬羊
天吳罔象不敢動河失故道誰之殃漢武當年塞瓠子
勞民兆亂紛搶攘中原父子化魚鼈至今千里無耕桑
我欲懇帝勅河伯使復故道安天常清者自清濁自濁

勿冒約束干明章不然帝怒速致討河伯戮死吁誰傷

烏夜啼引 并序

閩人王昉為淮東元帥府奏差被誣繫獄部使者
使泰州尹趙子威讞之平反其冤

烏夜啼在庭樹烏啼啞啞天欲曙阿兒被誣身繫獄盡
室煩冤受荼毒烏啼何為繞吾屋下堂喚婦起聽烏忽
喜淮南兒有書書中報道兒罪脫此樂欣欣天下無兒
歸拜母為母說泰州使君當世傑執法霜臺舊司臬明
如青天皎如月冤獄平反解縲紲已死得生誣得雪海
可枯山可裂使君之德不可滅烏啼愛我庭樹枝我愛
使君君不知使君歸朝奉天子日日聽烏為君喜

次韻答 關元善

跡忝芙蓉幙心依虎豹關老驚詩鬢短貧覺酒尊慳特
達高書記清新庾子山多情憑塞鴈時寄一書還

癸卯二月十二日常熟阻雨寄吳門分省同官
一棹琴川路頻年此往還海風寒挾雨戍火連山澤

國龍分節邊城虎據關故人南省幕退食珮珊珊

十六日開船值北風大作復泊北門

風急江難渡天寒雪更飄濟川雖有楫跨海恨無橋使
節辭吳近官軍去楚遙北門仍繫纜山雨夜蕭蕭

三塔寺訪寬老

人世難行路禪房獨掩扉鶴飛知客至雨歇見龍歸天
地干戈滿江湖故舊稀愧非韓刺史臨別更畱衣

送姪讓從軍武安

送爾徐州去秋風幾日程水通彭子國山擁楚王城虎
帳艷氍毹犀船五兩輕從軍古云樂今我不勝情

秋日雜興五首

彈鋏歸來歎薄游西風吹老黑貂裘裁詩見慰慚錢起
掃榻相延愧隱侯擬學楚人歸種橘虛勞蜀客望牽牛
五湖煙景依然在還許扁舟伴白鷗

關山搖落鴈飛遲江漢飄零有所思倦客自憐蘇季子
故人誰問介之推露催絡緯窗間織風緝蠨蛸戶外絲

獨荷慈親念游子倚門日日數歸期

江頭久客日思家坐覺微霜上鬢華節序又催秋後燕
風光爭發雨前花倦游已夢莊生蝶不飲何憂廣客蛇
怪底朝來衣袖薄一川白露下蒹葭

一夕西風木葉飛畫梁落月淡餘輝銀燈夜照還家夢
金翦秋裁寄遠衣霜信早隨新鴈至素書深訝故人稀
無因為謝東曹掾鱸熟尊香莫便歸

明河如練月娟娟坐對清光只自憐夜久不知沾白露
夢回猶記到釣天汝南遺老推黃憲海內諸公憶鄭虔
萬里歸來無寸補論交慚愧到忘年

寄沈仲說二首

欲採芙蓉寄所思秋江風露正離離每因見月懷玄度
可但看詩說項斯溪上燕辭華屋早槎頭魚上碧波遲
太平無事差科了歸共原泉理釣絲
野人籬落並江濱竹裏流泉竹外雲好學橐駝惟種樹
莫誇司馬最能文小橋斜接漁樵路落日爭呼鴈鷺羣

欽定四庫全書

元詩選初集
卷五十三

十八

獨憶詠歸亭上客久留城府思紛紛

次韻錢伯行白芙蓉

帝子西遊太液池一杯秋露為君持空令越女羞容貌
不與唐昌共本支姪姁最憐無語處風流全在半開時
自移長信宮中去學得班娘淡畫眉

婁江即事簡郭義仲瞿惠夫秦文仲陸良貴兼
寄顧草堂

婁江江上樓居好滄海海頭城邑新蠻郎打鼓爭起柁
鮫客捧珠來售人風燈照人不數點霜月湧波才一輪
人生會合豈易得看劍引杯寧厭頻

次韻懷彥成

沙棠為漿木蘭橈別後令人瘦沈腰采葢暫歸靈越去
栽桃重赴武陵邀醉乘蓮葉春波闊夢落簷花夜雨飄
猶記共遊鳴玉洞滿山明月共吹簫

寄玉山

一作寓笠澤有
懷因風奉寄

我愛玉山佳樹林草堂終歲有餘陰巢安翡翠春雲煖

欽定四庫全書

元詩選初集
卷五十三

十九

窗護芭蕉夜雨深寶篆焚香留睡鴨綵箋行墨寫來禽
萬竿脩竹休教洗日日平安報好音

次韻鄭有道喜王季野府判南歸二首

故人日下拜官歸河水南來似帶圍策馬遠遊天府勝
食魚偏愛錦江肥蠶叢故國山猶在望帝荒祠鳥自飛
萬里欲將慈母線芙蓉城裏製春衣

海榴花放客南歸喬木參雲總十圍綠蟻奉親浮臘味

黃羊充饌割秋肥恩承閩國榮三釜心切灤都望六飛

欽定四庫全書

元詩選初集
卷五十三

二十

錦里他年須報政中天風露溼朝衣

婁江雜詩

百雉堅城鎮海頭霜風中夜肅貔貅乾坤浩蕩鯨波息
井邑蒼茫蜃氣浮民瘼東來皆可念妖氛西望未全收
將軍莫負黃金印一鼓歸封萬戶侯

與文學古秦文仲遊至正觀

西郭維舟水滿津從容鄭圃得尋真蓬萊路隔人間世
桃李花開劫後春風雨或聞蛟杼響絃歌曾與草堂鄰

交游不忝羊求輩歲晚相期跡未塵

春日邵氏園池

寂莫園林帶夕暉昔年曾此戀芳菲柳塘水煖鴛鴦浴
花徑風酣蛺蝶飛蔓草拂衣人不翦畫梁無主燕空歸
洛陽池館關興廢我欲春山賦采薇

十一月晦與同幕諸公登南高峰因過湖上小

集二首

共上南屏第一層海風吹鬢雪鬢髻山盤地脈來天目

欽定四庫全書

元詩選初集
卷五十三

三

城抱江流似蔣陵近郭畫行多畏虎並湖寒盡未收冰

倚闌閒說承平事知是昆明劫外僧

落日湖頭艤畫船買魚沽酒不論錢共過天下登臨地
却憶官家全盛年綠水映霞紅勝錦遠山凝黛澹如煙
相攜此夕干戈際一聽笙歌一慨然

次韻孟天暉郎中看潮四首

千古英雄恨未銷海風吹上浙江潮怒驅貔虎誰能敵
雄壓鯤鯢不敢驕踏浪掀旗空遠近臨流捐袂若為招

扁舟浩蕩身先退輸與陶漁共采樵

雪湧潮頭萬壘多秋風颭颭孔靈鼉直疑碧海金鼇擲
復恐陰山鐵騎過勾踐功名今寂莫麻姑消息近如何
憑君更闡神明力翻却蓬萊弱水波

千古東南詫海潮摩挲強弩未全銷氣乘日月分盈縮
聲振山河欲動搖擊楫中流歌慷慨倚闌斜日鬢飄蕭
錢塘官酒秋仍綠更與靈胥酌一瓢

風起城南思慘悽獨攜長劍倚長堤未談秋水驚河伯
先跨濤江掣海鯢力障狂瀾扶砥柱手揮妖祲豁坤倪
東流不盡憑闌意長笑歸來日已西

淮陰雜興四首

千里相逢淮海濱一枝誰寄嶺梅春老來易感山陽笛
年少休輕胯下人失侶鴈如秦逐客畏寒花似楚遺民
每過百戰瘡痍地立馬西風為損神

落木蕭蕭鴈度河西風嫋嫋水增波甘羅營裏秋聲急
韓信城頭月色多淮市有魚聊可食楚山無桂不須歌

欽定四庫全書

元詩選初集

卷五十三

古今無限關心事付與當年春夢婆

江左妖氛埽未清山東豺虎又縱橫欲令斥堠收烽火
須挽天河洗甲兵老馬獨嘶時北望賓鴻相喚盡南征
腐儒媿乏匡時術搔首風前百感生

兵火燒殘百草根人煙無復萬家邨黃金莫鑄忠臣骨
白馬空招帝子魂易水有情人已逝睢陽無援事難論
何當親斬樓蘭首仗節歸朝報至尊

寄陳庶子參軍兼簡饒介之郎中

楚天漠漠水迢迢千里懷人不自聊帷幄喜聞延曲逆
行間竊忝事嫖姚江空不采芙蓉寄歲暮唯歌桂樹招
華蓋仙翁如見問為言髀肉近都銷

自淮安使江南舟次通州寄同幕諸公

頻年共入嫖姚幙此日先乘使者舟海色曉迎龍虎節
天光寒動鸛鷀裘山川咫尺分吳楚河漢尋常近斗牛
南鎖堰頭官柳樹春風相約繫驂驄

福山港口待潮

欽定四庫全書

元詩選初集

卷五十三

吳山如畫楚江平消得孤帆半日程潮落沙頭纔一尺
舟停江口復三更時清不識風波險世亂方知性命輕
坐擁貂裘待明發臨風空媿魯連生

癸卯二月十一日官軍發吳門

去年移戍秋將半今歲渡江春正分晉國偏裨歸宿將
漢庭旗鼓屬元勳戈船十萬盡犀弩鐵騎三千皆虎賁
却笑高陽老狂客謾憑口舌下齊軍

二十日福山港寄省院張思廉陳惟允諸友

漢將西征肅羽儀簡書日日有程期東溟潮上犀船發
南斗星橫虎節移青入楚封山點點白添吳鏡雪絲絲
美人宴罷芙蓉署一色銀花翠壓枝

舟中看虞山有感

一望虞山一悵然楚公曾此將樓船間關百戰捐軀地
慷慨孤忠罵寇年填海欲銜精衛石驅狼願假祖龍鞭
至今父老猶垂淚花落春城泣杜鵑

錢陸燦云此詩為張士德被擒而作

余別有記甚詳孤忠罵寇亦指斥之詞也

二十二日狼山口觀兵

官軍野次狼山口鐵騎犀船盡虎驅杼軸萬家供餽餉
旌旗千里互江湖膝行已伏諸侯將面縛行申兩觀誅
淮海父兄爭鼓舞將軍恐是漢金吾

遊狼山寺三首

天風吹上狼山頂看見扶桑日出初淮海北來吞兩楚
江湖南去控三吳珠宮貝闕馮夷宅古木蒼藤帝釋居
為訪祖龍鞭石處拇窠履跡定何如

鯨波渺渺四無涯閭闔天低手可排一塔倚空凌浩劫
兩潮爭港撼層崖半晴半雨龍歸海衝煖衝寒鴈度淮
安得乞身依佛日遍尋靈迹訪齊諧

五峰相顧若枝撐力障狂瀾與海爭下界人居龍伯國
上方僧住梵王城佛庖香訝山無蕨公膳腥嫌市有蜍
王事悠悠騎馬去落花啼鳥總關情

二十六日自通州赴淮安

海虞城外經旬泊狼五山前信宿留六計西來思撓楚